

# SARS E KETEKSA SEGOPOTŠO SA MENGWAGA YA BO-22

**PRETORIA, LABOBEDI 1 OKTOBORE 2019 - Ba Ditirelo tša Motšhelo tša Afrika Borwa (SARS) ba tlo keteka segopotšo sa mengwaga ya bo-22 ka Oktobore 2019.**

Ketekong ye ya segopotšo sa mengwaga, re sa ntše re nyaka go gatelela boikgafo bja rena bja go fa balefela motšhelo maitemogelo ao a akareditšwego ke maemo a godimo a seporofešenale le boemo bja nnete nageng ka moka le mosetša.

Go thwalwa ga Khomišinare Edward Kieswetter go amogetše mathomo maswa a SARS. Ge e sa le a fihla ka Mei 2019, o tlogile a tsepeletše fela ka go bolela ka boitshepo bja ka gare le go hlohleletša bašomi, gape le go bušetša tshephagalo le botshephegi bjo setšhaba se nago le bjona go rena.

Gape sengwe seo se ka lebelelwago ke tlaleletšo mabapi le tshepetšo ya go bolela ka mafokodi a setheo le tlhaelelo ya mabokgoni ka SARS, yeo e lego karolo e kgolo ya kagoleswa ya setheo.

Mošomo wo o tla nyaka boikgafo bja go se lape mo mengwageng yeo e latelago go tiišetša gore SARS e fetogela go taolelo ya bohlale ya sebjalebjae ya go tsenya letseno le taolelo ya khastom, ka botshephegi bja go se belaetše gape bja go tlhomphega.

Re hlogonolofaditšwe ka banna le basadi ba go tshephega, bao ba tlišago dikabelo tša bona tše di botse go tshepetšo ye ya kagoleswa.

SARS e tla tšwelapele go beeletša go mekgwatšhomo yeo e dutšego e le gona ya kgatelopele gape ya kgontšhagalo, go tšwelapele go kaonafatša boitemogelo bja balefela motšhelo, ka ge e laolela morero wa yona o mogolo wa go koleka metšhelo, go nolofatša kgwebišano le go laola ditlišogae le diišontle go rapalala le mellwane ya rena.

Meketeko ya segopotšo sa mengwaga e tlo phethagala sammaletee le ditiragalo tša ka morago tša setlha sa gabjale sa motšhelo seo lemogilego palo e ntši ya balefela motšhelo bao ba obamelago.

Re rata go leboga balefela motšhelo bakeng sa boikgafo bja bona bja go obamela, gape le go se fele pelo ga bona mo ma bakeng ao re sa fihlelelago maemo a ditirelo ao re ipeetšego ona.

Re tla šoma ka go se lape go rarolla mafokodi ao bjale ka karolo ya kagoleswa le mpshafatšo ya sebjalebja ya SARS.

Maemo a gabjale a ekonomi, gammogo le ditlhotlo tša ka gare, di dira gore mošomo wa go koleka motšhelo o thatafale kudu.

Maemo a fase a ekonomi, koketšego e kgolo ya hlokego ya mošomo ka lebaka la go felelwa ke mešomo, le maemo a fase a tšhomišo, dipoelo tša fase kudu tša letseno, maemo a dipoelo tša fase tša ditseno, le ditlamorago tša phokotšego ya ditseno.

Eupša re dula re holofetše gore maiteko a mmušo a go kaonafatša ekonomi, gape le maitekelo a kagoleswa ya thutaboitshwaro ya motšhelo le obamelo, di tla tliša dipoelo tše di botse.

Ka se mogopolong, Mrn. Kieswetter o tloga a hlolofetše kudu gore SARS e dula e itlamile, e tsepeletše gape e na le kgopolo e tee ka ga go tšwetšapele tagafara ya yona ya go kolekela Afrika Borwa motšhelo.

Gabotsebotse, SARS e tloga e amogela maikarabelo ao a filwego ke molaotheo, gape e tloga e lemoga ditlamorago tše tša go koleka motšhelo wa fasana di amago maiteko a mmušo a go fihlelela tirelo ya tagafara ya yona.

Re dula re le komana madula a bapile gore re tšea karolo ya morero o mogolo kudu wa go kgontšha mmušo ka ditlabela tša go fana ka dithoto le ditirelo go temokrasi yeo e šomago gabotse. Mošomo wa rena o šoma ka batho, gape o hola setšhaba seo se itshokolelago, gape re kaonafatša khwalithi ya maphelo a bona, gape le go kgonthiša boiketlo bja MaAfrika Borwa ka moka.

Meketeko ya bosetšhaba ya 2019 e leboga maiteko ka moka ao a dirilwego ke mmušo, palamente, gammogo le ketapele ya SARS le bašomedi go tlhoma go koleka ga metšhelo yeo e tla tlhomphiwago semphatong sa yona bjale ka enngwe ya go koleka motšhelo e kaone kaone.

Meketeko ya mengwaga ye 22 e lebogela gape dikarolo ka moka tše di kgathilwego ke meratalabo ka moka le bašomedi ba moragorago, ka go tlhoma le to maatlafatša SARS gore e be enngwe ya ditheo tša mmušo tša go maatlafala gape tša phethagalo mo nageng.